


# Ko tau taki ke palota ai i te Faigapalota Fakamua 2023.



**ELECTORAL  
COMMISSION**  
TE KAITIAKI TAKE KŌWHIRI

E231 06/23 Tokelauan



## Malamalama i na mea tatau ke fai ma te faiga o tau palota i te 2023

### Fakamautinoa ko koe kua lehitala ma o fakamatalaga e talafeagai pe fetau ma te vaihira.

Mo koe ke palota, ko koe e tatau ke lehitala. Koe e tatau ke lehitala kawai koe kua 18 o tauhaga pe ova atu te matua, he hitiheni Niu Hila pe he tino nofo tumau, pe kua nofo holokatoa i Niu Hila i he 12 mahina pe ova i he taimi o to olaga.



### Lehitala, hiaki ma fakamautinoa o fakamatalaga i te neti

E faigofie te lehitala, hiaki pe fakamautinoa o fakamatalaga i te neti e fakaoga ai to laihene kavetavale, to pepa malaga Niu Hila pe ko te RealMe ke fakamaonia ai koe.

- Fano kite [vote.nz](https://www.vote.nz)
- Telefoni **0800 36 76 56**
- Tuhi heai he tau to igoa ma to tuatuhi ki te 3676



### Ko tau EasyVote paketi

Kawai koe e lehitala i te Ahoia 10 Hetema, e maua tau EasyVote paketi i te meli.

Ko tau EasyVote paketi e fakailoa atu ai pe ko afea te palota ai koe ma pe ko ai foki te palota koe ki ei. Ko tau paketi foki e maua ai foki tau kati EasyVote e patino kia te koe lava, e fakafaigofie ai tau palota. Koi mafai lava koe ke palota kawai e he ia te koe tau Easy Vote kati, kae ei la mataloa atu.

Kawai koe e lehitala i tua atu o te Ahoia 10 o Hetema, vena ma ko aho o te palota, e he maua hau EasyVote kati. E tatau ke fai hau palota fakapitoa, e mataloa atu.

**Ko na faiga palota e tatala:** 9 i te taeao o te  
Ahogafua 2 o Oketopa

**Tapuni ai na palota:** 7 i te afaia o te aho  
palota, Ahotonai 14  
o Oketopa



### Kawai e matala na koga e fai ai na palota ma pe ko fea foki te maua ai

E mafai koe ke lehitala ma palota i te Palota Fakamua i ho he koga e fai ai na palota mai te Ahogafua 2 o Oketopa ki te ahopalota, Ahotonai 14 o Oketopa.

I te aho palota, Ahotonai 14 o Oketopa, ko na koga palota uma e tatala mai te 9 i te taeao ki te 7 i te afaia.

Ko na fakamatalaga uma agai ki na koga, ma na taimi e tatala ai na faiga palota maua i te [vote.nz](https://www.vote.nz) pe telefoni **0800 36 76 56** kamata mai te lototonu o Hetema.



### Ko fea te maua ai ni ietahi fakamatalaga agai ki te lehitala ma te palota

- Ahiahi [vote.nz](https://www.vote.nz)
- Telefoni **0800 36 76 56**

Kawai na fakamatalaga ienei e ono aoga ki he tahi e ke iloa, fakamolemole taku ki ei.

Ko na fakamatalaga agai ki te lehitala ma te palota e maua foki i ietahi gagana ma e maua ina tulaga ienei i [vote.nz](https://www.vote.nz)

# E vefea o na palota


## 1 Kau mai tau kati EasyVote

Hau ma koe tau kati EasyVote e fakafaigofie ai tau palota. E mafai lava koe ke palota kafai koe kua puli tau kati pe heai hau kati.



## 2 E iei te tino i te koga palota e mafai ke fehoahoani atu

Ko na kaufaigaluega a na faiga palota i te koga palota e fakahino atu na mea e fai ma te mea e fano koe ki ei.



## 3 Palota i te palota fakamua

I na faiga palota fakamua, e lua au palota e fai – ko he palota mo he pati ma he palota mo tagata lautele.


### Tau palota pati

Tau palota pati e mo na pati politiki e fofou ke hapoti.

Ko te palota tenei e lahi lava fakamatinoa ai te aofaki o na nofoa e maua e na pati politiki i te Palemene. Ko na pati e lalahi to latou hea i na palota pati e maua e ki latou te lahiga o na nofoa i te Palemene.

E mafai ke filifili mai e koe mai te lihi tutuha o na pati politiki pe he maori koe pe heai.

I luga o tau pepa palota, e tago koe tiki ia tafa o te pati politiki kua ke filifilia.



### Ko tau palota filifilia



Ko tau palota totino e filifili ai e koe te hui e fofou koe fai ma hui o te Palemene (MP) mo te koga e nofo ai koe.

Ko te hui e lahi a na palota i te kulupu palota e iei ai koe e kavea ma hui filifilia o te kulupu palota MP. Ka hui e ki latou te koga e iei ai koe i te Palemene.

Ka fai koe e filifili ke kulupu palota Māori, ko koe e filifili ki he hui mai na palota Māori.

Kafai e filifili e koe ke kupu palota lautele ko koe e palota ki he hui mai te palota lautele.


I tau pepa palota, tuhi he tiki i tafa o te igoa o te hui e fofou koe ke hui e ia te koga e iei ai koe.



**Ko te aofaki o na palota pati =  
Te aofaki o na nofoa i te Palemene**

## 4 Tuku tau pepa palota ki loto o te puha kua tuku atu

Kua uma ai –  
ko koe kua palota!



### Ko koe e he mafai ke fano ki he koga ke palota ai?

Kafai ko koe e he mafai ke pa ki he koga e palota ai, mo he fakatakikaki, aua ko koe e tauale, kua matua ma e he katoatoa, e mafai ke maua ho fehoahoani ke palota ai koe. E maua e koe ni ietahi fakamatalaga i **vote.nz** pe telefoni **0800 36 76 56** talanoa agai ki au filifiliga.

Kafai koe e i he fale tauhi tino matua, ko te Pule o te Kulupu Palota i te koga e iei koe e talanoa ki te Pule o te fale tauhi tino matua ke tukutonu ni tautuaga palota.

Kafai koe e he mafai ke fano ki he koga palota aua ko koe e i te falemai, mai te Ahogafua 2 o Oketopa e mafai e hau uo pe ko he hui mai to kaiga ke kaumai au pepa palota.

### Ko na tautuaga palota mai fafo

Kafai koe e palota mai i fafo, e tatau koe ke lehitala i mua mai o te tulua o po Ahofalaile 13 o Oketopa. E mafai koe ke lehitala pe fakamautinoa o fakamatalaga i **vote.nz**

E mafa koe ke palota mai i fafo kamata i te Aholulu 27 o Hetema fakagata i te 7 i te afaifu Ahotonai 14 o Oketopa (taimi o Niu Hila).

Ko te auala faigofie ma vave e palota ai koe mai fafo ko te kopi ma fakaua tau pepa palota oi toe lafo ai ki **vote.nz**

**Telefoni mai fafo:** +64 9 909 4182 (e iei na tau o te va ki fafo e apalai)

**Telefoni mai Niu Hila:** 0800 36 76 56

### E manakomia he fehoahoani ke faitau pe maka ai au pepa palota?

E mafai e he uo, he hui o te kaiga, pe ko he ofiha faiga filifiliga ke fehoahoani atu faitau pe maka tau pepa palota. Ko te tino tena e mafai ke:

- olo ki tua o te koga palota ma koe
- faitau atu na kupu ma na fakamatalaga i na pepa palota
- maka te pepa palota mo koe kafai ko koe e lea ki ei.

E he mafai ke tau atu e ki latou pe ko ai te palota koe ki ei i te faiga filifiliga.

Kafai ko koe e pouli o mata tauaho pe iei he he katoatoa i to tino e he mafai ai ke maka e koe tau pepa palota e aunoa ma he fehoahoani, e mafai koe ke palota e auala i na tautuaga faitau ke matau a te telefoni.

Ko koe e tatau ke lehitala ke fakaaoga ai na tautuaga ienei. Telefoni **0800 028 028** ma piki tau filifiliga 1 ke lehitala.

E mafai koe ke lehitala ma te Ahogafua 11 o Hetema ke pa ki te aoauli, Ahotonai 14 o Oketopa.

Ahiahia **vote.nz** ke maua ni ietahi fakamatalaga agai ki te tautuaga tenei.